

Erindisbréf

Gæðaráð geðsviðs

Gæðaráð starfar á geðsviði Landspítala. Ráðið mótar gæðastefnu sviðsins í samvinnu við framkvæmdastjóra, með hliðsjón af stefnu Landspítala. Gæðaráð skilgreinir gæða- og árangursmælikvarða fyrir sviðið, hefur yfirsýn yfir gæðastarf á sviðinu, greinir áherslur og leggur fram tillögur að breytingum.

Markmiðið er að þjónusta geðsviðs uppfylli kröfur heilbrigðisþjónustu, við fólk með geðræna sjúkdóma, þar sem gæði og öryggi eru höfð að leiðarljósi.

Gæðaráð er skipað af framkvæmdastjóra geðsviðs og er fjölfaglegur starfshópur, þ.e. læknar, hjúkrunarfræðingar, félagsráðgjafi, sálfræðingar, iðjuþjálfar og fulltrúi notenda. Formaður gæðaráðs leiðir starf ráðsins. Með ráðinu starfar starfsfólk að ýmsum verkefnum tengdum gæðamálum.

Megin verkefni

- Samhæfing gæðastarfs og fylgja eftir gæðastefnu
- Stýra áherslum í gæðastarfi og miðla upplýsingum
- Veita stuðning og ráðgjöf við gæðastarf á deildum með það að markmiði að tryggja öryggi og bæta gæði og árangur þjónustu
- Ráðleggja gæðavísa og prófa m.t.t. réttmætis og áreiðanleika
- Vakta og mæla öryggi og árangur á geðsviði
- Bera niðurstöður saman við stefnu, markmið og kröfur, skýra frá niðurstöðum
- Stuðla að hagnýtingu upplýsinga á skráningu, við eftirlit, mat og umbætur á gæðum og árangri þjónustu
- Grípa til aðgerða þar sem niðurstöður eru frábrugðnar stefnu, markmiðum eða kröfum

Fulltrúar í gæðaráði geðsviðs eru skipaðir til 4 ára í senn og taka allir virkan þátt í starfinu ásamt því að leggja sitt að mörkum til að ná sem bestum árangri í gæðastarfi geðsviðs. Gæðaráð fundar með reglulegu millibili. Fundagerðir eru aðgengilegar starfsfólki sviðsins á innri vef geðsviðs LSH.

Reykjavík, 25. mars 2010

Páll Matthíasson
framkvæmdastjóri
geðsviðs Landspítala